



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Mutuis petitionibus.

urn:nbn:de:hbz:466:1-10591

De mutuis petitionibus.

T I T. XI.

REUS CONVENTUS, si ei nulla suppetat exceptio, quâ judicium vel differat, vel litis ingressum impedit, potest Actorem, quem vel ratione rei, vel alicujus negotii habet obligatum, vicissim apud eundem Iudicem reconvenire.

Cujus enim in agendo quis observat arbitrium eundem habere contra se judicem in eodem negotio designari non debet. can. I. §. nullum. vers. cuius. 3. qu. 8. c. 1. & 2. hic.

EST RECONVENTIO, mutua petitio, contra convenientem, vel agentem, in eodem judicio constituta.

EST VEL PROPRIA; quæ ita ab initio instituta, ut pari passu cum conventione procedat: Socin. in Rubr. art. I. num. I. & in c. prudentiam. 2. num. 3. & num. 19. hic. vel IMPROPRIA; quæ non ita instituta.

HAC usque ad conclusionem in causa locum habet; Mariant. part. 4. dist. 6. num. 5. de ord. judic. Illa ante litis contestationem, vel statim post; ut utraque petitio mutuâ vi- cissitudine, eodem ordine & formâ judiciorum, simul tractari possit. Gl. in d. c. prudentiam. 2. verb. eo modo. Gl. in Clem. sape. §. verum. verb. exordio. de verb. signif.

RECONVENIRE regulariter quilibet Adversarium suum potest, coram eodem judice, coram quo fit conventio: si- ve is sit Ordinarius, sive Delegatus: c. dispensia. 3. de re- script. in 6. non Arbitro; c. cum dilectus. 6. de arbitr. non judice appellationis: puta tali, qui tantum de causa appelle- lationis potest cognoscere; cum antequam pronunciet, dubium sit, an judex sit inter partes. c. ut debitus. 59. de appellat. Omnino coram eo, qui cognoscit de pronuncia- tione, vel tali appellatione extrajudiciali in qua venit nego- tii principalis cognitio; ut cum super hujusmodi provi- sione appellatur; c. statuimus. I. de election. in 6. quia cer- tum,

tum, eum partium esse judicem; c. i. accusatores. §. nullum. vers. cuius in agendo. 3. qu. 8. talis enim appellatio est citatio ad causam.

Fieri potest reconventio in omni causa, sive in rem sive in personam agatur; nisi jure prohibeatur. d. Clem. sape c. i. & 2. hic.

Prohibetur; in causis criminalibus; c. i. neganda. 3. qu. 11. præjudicialibus; c. i. de ord. cogn. c. 4. prius est ut. 4. §. aliquando. 3. qu. 11. spiritualibus, coram laïco; c. decernimus. 2. de judic. c. tua. 25. de decim. c. relatum. 21. §. ad hoc. de jur. patron. c. gravem. 15. de excess. Pral. causa spoliationis, nisi de alia; c. fin. de ord. cognit. depositi; c. bona fides. 2. de depos. causis executivis. Socin. in d. c. ex literis. art. 5. num. 57. simplici; non in modum actionis, judicis imploratione. Socin. in c. ex literis. 1. n. 92. hic. momentaneâ possessione. Gl. in c. fin. de ord. cogn. Gl. & Hostiens. in d. c. cum dilectus. 6. de arbitr.

Proponi debet Reconventio, libello comprehensa, ante item contestatam, vel statim post, & deinde cum conventione simultaneo processu, eodemque judiciorum ordine & figura procedere; Gl. in c. prudentiam. 2. verb. eodem modo. hic. ita tamen, ut prius in conventione Actoris, deinde in reconventione, & ita deinceps in singulis aëtibus uno quasi cursu ad metam litis procedatur, Gl. Felin. & Dd. in d. c. ex literis. hic. Gl. in Clem. sape. de verb. sign. modo de utraque causa pariter constet: si non, in negotio liquido judex procedere, in non liquido supersedere potest. Dd. in c. cum dilectus. 2. de ord. cognit. Spec. tit. de reconvent. §. videndum. num. 5.

Causa conventionis & reconventionis eadem causa dici potest, eò quod idem Iudex, iidem litigatores, eadem instantia, & una sententia determinanda. Accedit, quod prohibita appellatione in conventione, prohibita etiam in reconventione censeatur. d. c. cum dilectus. 2. de ord. cognit. c. fin. hic.